

嘉慶瓜洲志卷八

雜錄

文帝元嘉二十七年魏太武率大衆至瓜步壞民廬舍及伐葦爲筏聲言欲渡江建康震懼丹陽統內盡戶發丁命領軍將軍劉遵等將兵分守津要遊邏上接千湖下至蔡州陳艦列營連亘江濱自采石至暨陽六七百里

或云瓜洲在今真州西六十里距揚州一百二十里宋文帝饋百牢於魏處或以爲非瓜洲也然唐時亦有稱瓜洲爲瓜步者

嘉慶瓜洲志

卷八

雜錄

一
于氏凝暉堂重印
中華書局承印

蔡寬夫詩話云潤州大江本與今揚子橋爲對岸而瓜洲乃江中一洲耳故潮水悉通揚州城中唐李頎詩云鷓鴣山頭微雨晴揚州郭裡暮潮生以爲自大厯後潮汐始不通今瓜洲北岸淤漲與揚子橋連而江身益狹矣

昔時瓜洲沙尾與潤州隔六十餘里舟多敗溺開元二十二年刺史齊澣徙漕路由京口埭治伊婁渠以達揚子歲無覆舟減運錢數十萬而瓜步渡者皆徙而之京口矣庾信集有奉命使北始渡瓜步江詩非今之瓜洲也

唐代宗朝李秀卿刺湖州至維揚逢陸處士鴻漸李素熟陸名因赴郡抵揚子驛將食李曰陸君善于茶蓋天下聞名矣况揚子南零水又殊絕二妙千載一遇可曠之乎命軍士挈瓶操舟深詣南零陸執器以俟之俄水至以杓揚其水曰江則江矣非南零者而傾諸盆至半陸遽止之曰此南零者矣軍士大駭跽曰齋至南零舟蕩水覆懼其鈔岸水增之處士神鑒也其敢隱焉

靖康後揚子江中遺棄物最多京口漁戶於西津沙際有得北珠一囊者

周忱巡撫江南時於瓜洲江岸東浚二港建便民倉於港側令蘇松等府各運米貯倉及冬初領漕官軍駕船序泊瓜洲以待南京戶部差官監兌又築石堤於瓜洲南岸俾運行者不苦淖溇造巨艦江上以救顛溺按忱在巡撫任二十二年謀慮深密善采衆論致仕後民懷其德立生祠祀之

瓜洲與京口一江相對旗兵驅馬牧瓜洲朝渡夕返市肆不勝其擾而踐踏禾苗之害尤甚巡撫趙士麟移檄軍府永禁爲例洲民受賜者至今思之士麟字玉峯雲南昆明人

瓜洲城臨江常遭水患雍正初兵部尚書齊蘇勒總督河道疏復花園港運道仍建牖啓閉以順地勢堵城西新開河道而水患乃免民賴以安公字金城滿州人

盟鷗漱筆談云潘農部榕臯泊舟瓜洲江口時近半夜星月皎潔波濤恬靜見江面有燈數萬迴環旋繞直至金山玉帶橋移時始散鎰續霏雪錄載蘇東坡亦嘗見此有句云悵然歸臥心莫識非鬼非人竟何物或以爲非怪乃陰火也

晝堂偶筆云康熙五十年間瓜洲東門外崩坍至息浪

庵勢甚危忽有顛僧不知來歷每於五更時以衣盛米撒於江次主僧然祥詰其故曰吾種洲耳坍遂稍止一日僧不見後於江霧空濛中見其飛走往來如撒米狀期年後江中漸有淤積雍正初成洲土人因名曰佛感錢塘應灑佛柑洲畔有詩人故亦稱佛柑洲洲多桃花陽湖洪亮吉作桃花洲歌以志其勝又云瓜洲風雅前民篁中二先生後日見寥落而古蹟名勝往往湮沒不傳人亦無有過而問之者然自唐以來騷人名士停泊宏篇鉅製較他處爲多錄而存之斯爲瓜洲生色

盟鷗溆筆談云唐王相國播居瓜洲許丁卯有過王相公故居詩明趙副使鶴文章政事載在史冊有此二公不可謂無人矣 國朝蔣布衣易王文學光魯志趣高尚不愧古者直與杜于皇冷秋江同一不朽名媛詩話云夏清河別駕督理由閩其室張月樓芬匠門太文姪孫女也詩才駿發兼工六朝駢體士夫多折服之任心齋刻入吳中女士編往與余有文字交予贈詩有云擬掃三山榻桃花待爾遊今客渚上未謀一面惟詩筒往返令人悵然

盟鷗溆筆談云程松圓詩老有過瓜洲訪王隱君詩惜

未詳其名字其時王光魯者讀書不出或者卽其人乎郭于宮亦有贈瓜洲菜翁詩想皆高尚也

又云李嘯村詩人晚年落魄寄食瓜洲鬱鬱以歿所爲詩長於近體有晚唐風致隨園詩話甚重之聞其女後爲丐甚矣詩之窮人一至於此

又云乾隆五十七年五六月間花園港地忽崩坍居民屋舍汨沒數十家舊有鐵牛亦沈於江居人云未坍前一夕牛有聲如雷

又云魏篁中詩筆清拔不羣直可與蛟門蕉飲輩執金鼓而抗顏行也選家未錄其詩豈未之見耶其父名

都載入邑志孝友傳中而邑志詩註稱儀徵人似誤按篁中隸籍儀徵實瓜洲人也

鎮舊有五賢書院乾隆二十年間營弁私改爲馬王廟後胡安定裔孫某控於制府仍復舊名余過其地已無有五賢書院匾額矣

心齋筆記云江甯蔡只山寄王柳村書云舊許贈足下七古一篇今越一二年尙未脫稿者蓋贈言必如其人也秋來倘放舟來瓜步相訪見西津渡波濤洶湧胸中定增許多豪氣僕必有作矣

心齋筆記云翠屏洲在瓜洲東門外間桃花十餘里燦

如赤城之霞又兼楊柳映帶絡繹不絕真有步步引人入勝之致居其地者王柳村兄妹皆以詩名王述庵司寇洪稚存太史趙帥堂明府蔡只山詩老嘗過訪以爲武陵源也余異日結茅其間作修養計亦足消受人間清福矣

荻汀偶錄云陳太建十四年秋江水變赤色煬帝大業十三年十一月有石自江浮入於揚子津元宗開元十四年秋大風自東北來海濤沒瓜洲天寶十年大風駕海潮沉江艘數十隻宋太宗雍熙二年十二月江水冰理宗淳祐八年揚子橋開福寺大士殿基產

芝三莖大者廣八寸色間紫赤元至正十五年羣鼠
叢擁如山過江東去大者重十五觔小者亦不下八
九觔至正二年八月揚子江水一夕忽竭舟楫皆滯
泥塗江底出錢貨無數蓋歷來舟覆所沉者累日乃
復通流識者曰此江嘯也明神宗萬曆十年十月大
風壞漕舟民船千餘艘 國朝雍正七年七月瓜洲
草龍港忽集蝗蝻無數縣令陸朝璣同營弁往捕投
於江禾苗不損

盟鷗淑筆談云順治十六年海寇犯瓜洲時京口巡江
營都司羅明昇駐兵談家洲與瓜洲相依倚未幾瓜

洲陷居民被害者甚衆明昇勢遂孤時盛暑十餘日
不解甲寇衆登洲明昇奮身血戰與妾郭氏俱遇害
按談家洲東至北固山脚西至蒜山脚東北界焦山
直北與瓜洲隔江雍正間坍沒

惜陰詩記云工部有今日南湖采薇蕨何人爲覓鄭瓜
洲自註今鄭秘監審也說者謂卽今之瓜洲非是詩
註云審大歷中爲袁州刺史瓜洲必袁州之譌愚按
杜詩皆作瓜洲非袁州也或云審曾刺隴右之瓜洲
故也又瓜洲村註村在申店涵水之陰與鄭庄相近
庄卽虔郊居也審爲虔之姪其居必在瓜洲村是兩

瓜洲無疑矣引証俱非確解至有引許丁卯和淮南相公重遊瓜洲詩謂爲杜佑謬矣淮南相公者王播也播父官揚州倉曹徙居瓜洲李衛公亦有詩安得云非此瓜洲耶

棧雲錄王漢恭好蓄寶刀古劍嘗以贈勇士時有許佩刀自衛之令漢恭復索還作拭劍篇鄧孝威舍人以爲不愧李長吉云蛟龍驅雨遊何鄉飛還夜半聲滿堂主人捧手入瑤室沃之斗酒生寒光數點土花瑩古鐵知是何人頸邊血袍衫拂拭愈分明坐倚愁心向孤月事之悲歡心焉可數獨鶴夜鳴爲公起舞

嘉慶瓜洲志

卷八 雜錄

七

盟鷗溆筆談云蔣高士易五言雄健蒼渾得力於老杜如雨後同史成云

虹見雨吞聲遠待南

徐月清談北固兵轉添雲悵望重覺負深情春雪宿杜于皇饑鳳軒云亂馬踏邊聲殘鐘吼禁城雪將爭曉霽寒不放春晴門鵲侵晨出霜毛向客生披衣望鍾阜雲氣正縱橫他如婦愁立春對雪待于一不到清涼山頂留別于皇諸作皆名篇也明別裁僅錄詩數首予於各集採錄得十三首入淮海英靈續集江蘇詩徵惜石閩集不得一見也

又云余屢託坊友覓熊偉男綠雪軒集不得昨偶見其

晚行滁州山中詩云月猶未晚痕無定山欲生雲體
乍連如此靜細却不纖弱每一吟咏輒嘆爲隽才
從容庵僧無垢者飲酒疎狂精通易理與魏篁中友善
時人莫之識也魏病止從容精舍感示詩云欹落數
椽支遁舍息機今日愛身閒座中海水喧無定柳外
鐘聲度正還如此江山纔握琰幾多歌哭已酡顏何
年得乞南禪地折菽師應念此頑夢裡三山眼又開
渚清沙白雁初來勞生到此方停屐勝地頻年負舉
杯延頸無邊唯鳥雀刺船不返卽蓬萊茫茫未了今
生事敢望焦門嘯一回按詩中投契之旨可知無垢

非尋常人矣

王定保撫言云王播少孤貧客揚州木蘭院隨僧齋粥
僧厭苦之飯後擊鐘播題詩於壁上堂已了各西東
慚愧闍黎飯後鐘後二紀播登第出鎮揚州向題詩
處已碧紗籠矣因續之云二十年來塵土面於今猶
得碧紗籠又詩云二十年前此地遊木蘭花發院新
修於今重到經行處樹老無花僧白頭寺蓋因此著
名卽今之石塔寺也

惜陰詩話云王播寄食木蘭院題詩飯後鐘云云亦偶
然事耳而坡翁石塔寺詩譏嘲不遺餘力殊無味也

詩云饑眼眩西東詩腸忘蚤宴雖知燈是火不悟鐘
非飯山僧異漂母但可供一莞胡爲三十年記憶作
此訕齋廚養若人無益祇遺患乃知飯後鐘闍黎蓋
巨眼

盟鷗淑筆談云趙副使鶴詩筆雄健惜藝林少有知者
沈文憲稱其登岱句云山壓星辰從下看海浮天地
自東迴胸中不知幾吞雲夢也

又云瓜洲渡江昔多女子善操小舟雖天風鼓濤而一
葉中流無恙也 國初桐城方刺史畿瓜洲卽事云
瓜洲弱女駕輕橈綉裹紅絲半束腰雙腕臨風嬌怯

甚隔船呼出小郎搖

石閭集蔣易所著也邑志經籍志未載予頗怪之

石閭書屋蔣叔一先生讀書處也繆公西谿爲叔一經
師居之最久時李公仲達以忤魏璫被逮北上來自
澄江而吳公巒穉爲李公業師因送李俱小憩其中
繆李兩公死璫禍後吳公亦死國時杜黃岡聞之嘆
曰此千百年三忠祠也

蔣易棄諸生以高節自矢似冷士媚徐俟齋一輩人詩
亦有杜公遺意

乾道六年六月二十八日陸游午間過瓜洲江平如鏡

舟中望金山樓觀重複尤爲鉅麗中流風雷大作電影騰掣正在江面去舟才丈餘急繫纜俄而開霽遂至瓜洲自到京口無蚊是夜蚊多始復設幪二十九日泊瓜洲夜觀金山塔燈

陸文定樹聲清暑筆談云隆慶己巳余被召北上滯疾上疏再上乞休未得報移舟泊瓜渚會天氣乍暄運艘大集河流淤濁每日舟子掉江濤汲中泠泉一日舟觸罌破索他器承餘瀝以候淪茗聞金山僧飲食盥漱皆取給於此何異秦割十五城易趙璧而荆山之人用以抵鵲

盟鷗淑筆談云副使趙鶴詩宗初盛不讓何李惜不多見予見其金山一律云水鄉生此翠芙蓉上接青旻路幾重月出才看行下界雲來更識有前峯呼舟人坐沙邊樹賣藥僧歸日暮鐘隔岸看山終自惜此行真破十年慵

閻縵園竹枝詞云副使高名重梓桑稜稜風骨富文章如何一代詞人筆只說瓜洲蕭伯梁

張晉亨淄萊路總管詔伐宋晉亨在選分道由安慶渡江丞相伯顏留之戍鎮江戰焦山瓜洲皆有功倪有厚德載詩序云三昧師爲予梓里邇來卓錫東林

未之知也己未臘月予赴任德安谿虎牽人忽與師
遇且云前一日有夢中詩北則予豈敢唯相對歡暢
無極耳庚申元宵幸師遣頭陀遺我幽蘭之本次日
家弟至又坐我以猛虎之皮卽此是戒律爲寄四語
仰參之詩云蘭芳元贈南州榻虎革還思北渡河掃
穢山城多枳棘問師末着竟何如

盟鷗淑筆談云瓜洲普濟堂向爲草舍有好義者易以
瓦陳文恭時守揚州其父韞璧公謂之曰吾輩家居
志此苦無力耳今汝爲郡守率作自易文恭爲倡捐
不數月落成

明世說云趙叔鳴爲山東提學副使以禔躬礪行爲先
士子苦其過嚴爲蜚語訕謗因乞致仕繼者江公潮
率士亦如叔鳴人爲聯云趙鶴方剪羽翼江潮又起
風波

江洲見聞錄太平寺前丈許溪內有大木十餘株水涸
便見土人欲掘得之掘溪二三尺有紅水涌出令人
頭昏目眩不敢復掘未知何故予曾見之

國史李牟秋夜吹笛於瓜洲舟檝甚隘初發調羣動皆
息及數奏微風飄然而至又俄頃舟人賈客有怨嗟
悲泣之聲

畫堂偶筆云乾隆壬寅瓜洲浚河得銅印十餘枚是宋南渡時官印彭文勤元瑞督學江蘇進入內府昌樂閣觀察學淳瓜洲竹枝詞云六飛狼狽過江關南渡真憐宋室孱折戟沉沙千載後銅符又見出人間王應麟曰揚州俯江湄瞰京口南躡鉅海之漭北壓長淮之流必揚州備而後淮東可守必瓜洲備而後揚州可守府志稱唐時伊婁埭江闊二十餘里宋時瓜洲渡口猶十八里今瓜洲渡至京口不過七八里云云王豫按劉宋時已有瓜洲與今形勢無異所稱江闊二十餘里及十八里皆誤也

棧雲偶錄記云翠屏洲桃花楊柳之盛吳嘉興吳文溥溪川南野堂筆記比之武陵源海內隼流題咏名篇不可枚舉予尤愛溧陽王源雲如云板橋處處斜通陌楊柳家家綠到門平湖馮錦畫堂云隔江遙指垂楊外半是紅雲半綠雲真畫不能到宜藝林誦之又淮陰周煦曙峯有句云柳抱藏金屋門迎種稻田錢塘朱壬閒泉云金焦聚一樓同一佳句

盟鷗漱筆談云瓜洲詩人柴景乾惜未見其集世亦無知者句容紀文斌東來寄柴詩云風塵飄泊幾經秋邂逅逢君話舊遊海邸憐才愁落魄天涯知己識名

流邊楊柳迷青眼笛裏梅花怨白頭珍重君家湖
海士元龍百尺最高樓因函錄之以存其人

晝堂筆記錢塘錢玉魚東工畫神似惲南田僑居邗上
夢中得我有鴛鴦三十六一齊飛上翠屏洲之句醒
不解所謂越日王司寇昶集同人於休園閒坐晤王
柳村始知有翠屏洲之名咸以爲奇因自顏其室曰
三十六鴛鴦亭孫觀察星衍篆額并徵詩記之

王西莊筆記云丹徒家柳村氏以種竹軒詩鈔求序余
觀其詩蓋長於用短者也予嘗論詩於近代竊深有
取於袁海叟之作海叟同時青田青邱才氣橫溢者

甚衆而何大復獨推海叟爲明初第一豈非以其善
於用短乎高子業徐昌穀二家篇什無多而王敬美
以爲二君詩有不同而皆巧於用短徐以高韻勝有
蟬脫軒舉之風高以深情勝有秋閨愁婦之態更千
百年李何或有興廢高徐必無絕響甚矣用短者之
足以勝人也

本朝名家輩出惟丹徒冷先生士嵎江泠閣集孤兀迥
特清婉秀折今觀柳村抑何神似鄉先生哉柳村年
甫逾冠讀書修潔自好所居大江孤嶼中在金焦之
間曰翠屏洲蘇詩云焦山何有有修竹採薪汲水僧

兩三柳村蒔花藝竹日出其孤兀迴特清婉秀折者
倚欄長吟與江聲相和答又有好事者西則金陵北
則邗溝南則吳門諸好古士相應吾知必有如大復
敬美其人者出而論定以爲絕倫也譬諸寸轄制輪
尺槌不竭寧非用短之效歟柳村氏有妹名瓊亦工
吟咏有愛蘭集行世論者以爲殆不減鮑照之有令
嫺也

重印嘉慶瓜洲志勘誤表

卷數	葉數	行數	字數	舊誤字	今正字
首	一	十六	十二	麓	麓
三	十九	十一	七	率	卒
四	四	十四	十一	麋	糜
五	十二	十九	一	脫落篤字	<small>著篤敬堂纂輯醫書</small>

嘉慶瓜洲志

勘誤表

一